

Broj: 01-07-11-3/580/25
Sarajevo, 16.12.2025.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24), federalni ministar unutrašnjih poslova, **d o n o s i**

ODLUKU

o dodjeli ugovora o izvođenju radova sanacije i adaptacije mokrih čvorova i kupatila

I

Na osnovu odredbi člana 64. stav(1) tačka (b), člana 69. stav (1) tačka a) i člana 70. Zakona o javnim nabavkama ("Službeni glasnik BiH", br. 39/14, 59/22 i 50/24), Odluke o pokretanju postupka javne nabavke radova sanacije i adaptacije mokrih čvorova i kupatila broj: 01-07-11-3/580/25 od 24.11.2025. godine, Obavještenja o nabavci, broj: 405-7-3-206-3-109/25 od 24.11.2025. godine (Sl. glasnik BiH broj: 71/25), tenderske dokumentacije i ispravke tenderske dokumentacije, dodjeljuje se Ugovor o izvođenju radova sanacije i adaptacije mokrih čvorova i kupatila.

II

Ugovor o izvođenju radova sanacije i adaptacije mokrih čvorova i kupatila dodjeljuje se ponuđaču "BauMaster" d.o.o. Sarajevo, koji je dostavio najnižu cijenu ponude u iznosu od 53.961,94 KM bez obračunatog PDV-a, odnosno 63.135,47 KM sa obračunatim PDV-om i koji ispunjava sve uvjete predviđene Tenderskom dokumentacijom.

III

Obavezuje se Sektor za materijalno-finansijske poslove Federalnog ministarstva unutrašnjih poslova/Federalnog ministarstva unutarnjih poslova, da shodno Zakonu o javnim nabavkama pripremi sve potrebne akte za sklapanje ugovora sa ponuđačem "BauMaster" d.o.o. Sarajevo.

IV

Ova Odluka objavit će se na web stranici Federalnog ministarstva unutrašnjih poslova/Federalnog ministarstva unutarnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

V

Ova Odluka stupa na snagu danom donošenja.

Obrazloženje

Rješenjem Federalnog ministra unutrašnjih/unutarnjih poslova broj: 01-08-08/2-11-3-362/25 od 12.02.2025. godine, formirana je Komisija za provođenje postupka nabavke svih roba, usluga i radova putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova u 2025. godini. Odlukom o pokretanju postupka javne nabavke radova sanacije i adaptacije mokrih čvorova i kupatila broj: 01-07-11-3/580/25 od 24.11.2025. godine i Obavještenjem o nabavci broj: 405-7-3-206-3-109/25 od 24.11.2025. godine pokrenut je postupak javne nabavke.

Komisija je dana 5.12.2025. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku radova sanacije i adaptacije mokrih čvorova i kupatila. Komisija je konstatovala da su za predviđenu nabavku pristigle četiri (4) blagovremene ponude i to:

1. Ponuđač **“MK ALU PLAST” d.o.o. Zavidovici,**
2. Ponuđač **“EKO-GRADNJA” d.o.o. Sarajevo,**
3. Ponuđač **“TESLALUKS” d.o.o. Sarajevo,**
4. Ponuđač **“BauMaster” d.o.o. Sarajevo.**

Nakon pregleda i analize dostavljenih ponuda, Komisija je konstatovala sljedeće:

1. Ponuda ponuđača **“MK ALU PLAST” d.o.o. Zavidovici,** za javnu nabavku radova sanacije i adaptacije mokrih čvorova i kupatila putem konkurentskog zahtjeva iznosi: **74.900,00 KM bez PDV-a, (PDV: 12.733,00 KM), odnosno 87.633,00 KM sa PDV-om** (*ponuda je bez popusta*) i uklapa se u procijenjenu vrijednost javne nabavke od 75.000,00 KM bez PDV-a. Ponuđač **“MK ALU PLAST” d.o.o. Zavidovici** nije ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za nabavku radova sanacije i adaptacije mokrih čvorova i kupatila jer ponuđač nije dostavio:

d) potpisana i ovjerena izjava ponuđača da li namjerava dio ugovora podugovaranjem prenijeti na treće strane.

Naime, ponuđač “MK ALU PLAST” d.o.o. Zavidovici je bio dužan da, u ponudi, dostavi izjašnjenje / izjavu da li namjerava dio ugovora podugovaranjem prenijeti na treće strane. Ponuđač u svojoj ponudi nije dostavio navedenu izjavu, čime se njegova ponuda odbacuje kao neprihvatljiva.

2. Ponuda ponuđača **“EKO-GRADNJA” d.o.o. Sarajevo,** za javnu nabavku radova sanacije i adaptacije mokrih čvorova i kupatila putem konkurentskog zahtjeva iznosi: **74.996,00 KM bez PDV-a, (PDV: 12.749,32 KM), odnosno 87.745,32 KM sa PDV-om** (*ponuda je bez popusta*) i uklapa se u procijenjenu vrijednost javne nabavke od 75.000,00 KM bez PDV-a. Ponuđač **“EKO-GRADNJA” d.o.o. Sarajevo** je ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za nabavku radova sanacije i adaptacije mokrih čvorova i kupatila i nema računskih grešaka. *Ponuda ovog ponuđača je prihvatljiva.*

3. Ponuda ponuđača **“TESLALUKS” d.o.o. Sarajevo,** za javnu nabavku radova sanacije i adaptacije mokrih čvorova i kupatila putem konkurentskog zahtjeva iznosi: **74.995,14 KM bez PDV-a, (PDV: 12.749,17 KM), odnosno 87.744,31 KM sa PDV-om** (*ponuda je bez popusta*) i uklapa se u procijenjenu vrijednost javne nabavke od 75.000,00 KM bez PDV-a. Ponuđač **“TESLALUKS” d.o.o. Sarajevo** je ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za nabavku radova sanacije i adaptacije mokrih čvorova i kupatila i nema računskih grešaka. *Ponuda ovog ponuđača je prihvatljiva.*

4. Ponuda ponuđača **“BauMaster” d.o.o. Sarajevo,** za javnu nabavku radova sanacije i adaptacije mokrih čvorova i kupatila putem konkurentskog zahtjeva iznosi: **71.425,30 KM bez PDV-a,**

(PDV: 12.142,30 KM), odnosno 83.567,60 KM sa PDV-om (ponuda je bez popusta) i uklapa se u procijenjenu vrijednost javne nabavke od 75.000,00 KM bez PDV-a. Ponuđač **“BauMaster” d.o.o. Sarajevo** je ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za nabavku radova sanacije i adaptacije mokrih čvorova i kupatila, nema računskih grešaka, te je u svojoj ponudi dostavio i dokaze o ispunjenosti uslova iz člana 45. Zakona o javnim nabavkama. Ponuda ovog ponuđača je prihvatljiva.

Sve ponude su ocijenjene u skladu sa tenderskom dokumentacijom i njenim ispravkama. Shodno kriteriju za dodjelu ugovora, (najniža cijena) predmetnom tenderskom dokumentacijom je predviđena e-aukcija, za koju je Komisija nadležnoj službi 9.12.2025. godine uputila zahtjev za njeno zakazivanje, a koja je održana 12.12.2025. godine sa početkom u 10,20 sati, te je po završetku iste formirana rang lista prihvatljivih ponuda sa cijenama kako slijedi:

KONAČNA RANG LISTA PONUĐAČA KOJI SU UČESTVOVALI U E-AUKCIJI

Red. br.	Naziv ponuđača	Konačna cijena u KM bez PDV-a	Umanjenje cijene	Rang
1.	“BauMaster” d.o.o. Sarajevo	53.961,94 KM	24,45 %	1
2.	“EKO-GRADNJA” d.o.o. Sarajevo	53.995,00 KM	28 %	2
3.	“TESLALUKS” d.o.o. Sarajevo	59.877,00 KM	20,16 %	3

Shodno navedenom, a kako je ponuđač *“BauMaster” d.o.o. Sarajevo* dostavio prihvatljivu ponudu sa najnižom cijenom nakon završene e-aukcije u iznosu od 53.961,94 KM bez obračunatog PDV-a, te se ponuđena cijena uklapa u procijenjenu vrijednost javne nabavke u iznosu od 75.000,00 KM bez obračunatog PDV-a, Ugovorni organ, vođen Izvještajem o radu Komisije i preporukom o dodjeli Ugovora, a u skladu sa članom 64. stav (1) tačka b) i članom 69. stav (1) tačka a) Zakona o javnim nabavkama BiH, odlučio je kao u dispozitivu ove odluke.

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.

Dostaviti:

- 1. Ponuđačima x4,
- 2. Sektoru za materijalno - finansijske poslove FMUP-a,
- 3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
- 4. U spis
- 5. a/a



MINISTAR
dr. sc. Ramo Isak